



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publicar arrandschamaints han seguintas pussibilitats:

- a) Mas-chalch da Sent : tenor infuormaziuns sùlla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen
opür
<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>

Ingüna reservaziun da plazzas - la chascha es averta ün'ura avant il concert.

«TRAGOUDI» - 100 ons Mikis Theodorakis

Dumengia, als 16 november 2025, a las 17:00, CHF 25

Mikis Theodorakis festagia dal 2025 seis 100avel anniversari. «Tragoudi» es il pled grec per "chanzun". Il titel descriva la lavur cumpositorica dal grond artist. Il ensemble as dedichescha a las ouvas las plü cuntschaintas e scuvrischa eir s-chazis zoppats.

Mattias Müller-Arpagaus – chant, Henri Fleury – chant e guitarra, Adrian Müller – cello, Rico Punzi – bouzouki, Jennifer Ribeiro Rudin – chant e clavazin

Per nossas senioras e noss seniors

Unvid a tuot las persunas sur 65 ons cun partenaris ad üna festa tradiziunala d 'Advent

dumengia, ils 30 november 2025 a las 11.00 h

in chasa pravenda, Vi, Scuol

Da Vossa partezipaziun s'allegria la gruppa da „La Paluotta“

Annunzchas fin sonda, ils 15. november 2025, telefon 078 842 61 79

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Exposiziun: Batterdögls

Gravüras e disegns da Karin Zulian.

Purtrets da bes-chas ed umans in movimaint elegant

Mardi e sonda 17.00 - 19.00, entrada libra

Karin Zulian disegna e pittura cun paschiun daspö sia infanzia. Ils prüms purtrets da bes-chas d'eiran inspirats dal disegnadur da bes-chas Rolf Knie. Davo ch'ella d'eira tuornada d'ün sogiuorn in Nova Zelanda pro'l artist Michael Mischewski ha ella approfondi seis savair in differents cuors: Craida da pastel, disegnar purtrets e tenicas da suitsch e pustüt la lavur experimental a cun culur da tusch. Ella lavura in möd movibel tanter St. Gallen e Sent, il lö da domicil da seis partenari. Illa Grotta da cultura Sent muossa ella disegns da rispli e tusch in plüssas culurs sco eir gravüras da bes-chas ed umans, in movimaint elegant. L'exposiziun dūra fin als 6 da schner 2026

Concert cun Cha da fö

Roland Vögtli cun sias chanzuns novas, chi sun naschüdas l'on passà.

Venderdi 14-11-2025 20.15 Grotta da cultura, Piertan CHF 25.00 / 20.00

Cha da Fö cuschina darcheu!

Cha da Fö es darcheu in gir. Cun seis proget sco solist tuorna il songwriter, guitarrist e chantadur Roland Vögtli ch'i'd es creschü sù in Engiadina, darcheu inavo pro las ragischs da sia via musicala: pro chanzuns simplas, sinceras «our dal pet», sco ch'el disch. Musica sainza schnicschnac chi nu pretenda üna show e palcs gronds, dimpersè plütöst l'intimità dal inscunter i'l rom pitschen. Chazuns sco chi's tillas suness a chasa in chadafö, apunta Cha da Fö.

Poetry slam ladin

La battosta da texts e poesias tuorna a Sent.

Venderdi 28-11-2025 20.15 collecta

Grotta da cultura, piertan

La battosta da texts e poesias tuorna a Sent, ingio ch'ella ha pudü festagiar sia premiera fulminanta avant bod trais ons. Organisà da la Uniun dals Grischs.

www.udg.ch

Da dar a fit a Sent / zu vermieten in Sent

Plazza da parcar / Parkplatz, davent da 2026, Sot pradè 131, Sent (suotvart Hatecke)

CHF 50.- al mais

Regula Ursprung, Sot pradè 131 A, Sent. telefonin: 076 449 59 66

Da dar a fit a Sent / zu vermieten in Sent

Üna **abitaziun** dad üna stanza subit o tenor convegn. Möblada e quiet. Predsch tenor convegn. Scha vaivant interess schi piglia sù contact cun :

Eine 1-Zimmerwohnung ab sofort oder nach Vereinbarung möbliert und an ruhiger Lage. Preis nach Absprache. Bei Interesse melden Sie sich unter:

Andri Guler, Archas Sura 208 A, 7554 Sent, Natel: 079 610 44 02

CORPORAZIUN EVANGELICA SENT**Cults divins**

DUMENGIA, 2 NOVEMBER

Cult divin per la dumengia da la Refuorma

09.30, tudais-ch, rav. Helmut Gossler

Orgel: Aita Biert

Davo il cult divin radunanza da preventiv

DUMENGIA, 16 NOVEMBER

Cult divin da famiglia

10.00, rumantsch, predichanta laica Seraina Guler e scolaras e scolar

Orgel: Pasquale Bonfitto

DUMENGIA, 23 NOVEMBER

Cult divin per la dumengia dals morts

10.00, tudais-ch/rumantsch, rav. Jörg Büchel

Orgel: Pasquale Bonfitto

DUMENGIA, 30 NOVEMBER

Eucharistiefeier, röm.-kath.

19.00, deutsch/rumantsch, Pfr. Chr. Willa

Orgel: Peder Vital

Uffants

La predgina ha lö ils seguaints venderdis in november: 7, 14, 21, 28 da las

15.30 – 16.30 in chasa da scoula.

Infuormaziun: Seraina Guler, 079 828 90 36

Comunicaziun - bannida**DUMENGIA, 2 november 2025** davo il cult divin in baselgia - **Radunanza da preventiv****Tractandas**

1. Salüd
2. Tscherna dombravuschs
3. Protocol radunanza da rendaquint dals 18 mai 2025
4. Infuormaziuns e rapport dal cussagl da baselgia
5. Rapport da la ravarenda
6. Preventiv 2026 e pè d'impostas
7. Tschernas
8. Orientaziuns e varia

Infuormaziun

Il prüm da december pudaina darcheu bivgnantar a rav. Hans-Peter Mathes illa pravenda da Sent, sco rimplazzant cun ün pensum da 50 pertschient. Fingia ils ultims duos ons ha sar Hans-Peter fat ün bun servezzan pro no, el resta qua fin la fin da mai 2026. No vain plaschair e giavüschain bun cumanzamaint.

Adressa:

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch
sent-reformiert.ch

Vendita da büschmainta da segunda man

per creschüts ed uffants
sco lavur finala da giarsumadi




31.10.25	16:00-20:00
01.11.25	10:00-16:00
02.11.25	13:00-15:00

Sala da cumün
Chasa Misoch Sent

Ilis raps van a favur
da la società
"Support Mandia"

Eu m'alleggr, Romana Poo





SONDA

**ALS 15 NOVEMBER
2025**

DA LAS 11.00-15.30

BÜGL DA PLAZ

SENT

LA GRUPPA DA GÖ TARTARUGAS SENT



USTARTA CUN RACLETTE, HOT DOGS, TUORTA ED OTRAS BUNAS ROBAS

TRAR CHAVDAILAS

TRAR CHAVDAILAS